



Nunatsinni erngup nukinga atorlugu pilersuinissamut kiisalu avammut niueruteqarnissamut periarfissat unammilligassallu erngup nukinganik nukissiuuteqarfiusuni piukkunnaatilinnilu Naalakkersuisut nalunaarusiornissamut peqquneqarnissaannik Inatsisartut aalajangiiffigisassaattut siunnersuut. Nalunaarusiami erngup nukinganik nukissiorfinnik pilersitsinissamut aningaasalersuinissaq kiisalu tamatumunnga periarfissat ilaatinneqassapput. Nalunaarusiaq kingsinnerpaamik inatsisartunut UKA2017-imi saqqummiunneqassaaq.

(Inatsisartunut ilaasortaq Anthon Frederiksen, Partii Naleraq)

Siunnersuuteqartoq Inatsisartunut Ilaasortaq, Anthon Frederiksen isumaqatigaarput, nunatsinni erngup nukinganit innaallagissamik pilersitsinnaanerup periarfissarititai tamakkiisumik nalilersuiffigineqartariaqartut.

Nunatta tamanna pisuussutaa annertoorujussuarmik pigineqartoq, pilersaarusiukkamik toraagalerlugu qanoq ineriartortitsiviunissaa nalunaarusiarineqassasoq isumaqatigaarput.

Soorunami ilisimannittunit nalilersorneqartariaqarpoq qanoq piviusorsiortiginersoq innaallagissap sarfaata nunatsinniit nunanut allanut, soorlu Europa-mut, attaviliinikkut tunisassiarineqarsinnaanera. Maannamut immap naqqatigoortumik attaviliinikkut sarfamik tunisassiulersimasuni misilittagaqarfigineqartut tannersaraanngooq, NordNed-kablet, Norge-miit Holland-imut siaarnejarsimasoq, takissuseqartoq 580 km-erinik. 2007-mi akiusut malillugit km-erimut 1 million Euro-qartoroq. Akit allangorsimassanngippata assersuutigalugu, nunatsinniit Skotland-imut attaviliisoqassappat 26 mia. Kr.-inik akeqassasimassagaluarpoq. Sarfaq tuniniagassaq unammillissutaalluni tuniniarneqartussaassammat, nalilersuilluarnikkut naatsorsuilluarnertigullu paasineqarumaassaaq, taama iliornissaq akilersinnaajumaassanersoq.

Ullumikkut ilisimasat naatsorsuisimanerillu aallaavigalugit, nunatsinni sarfamik pisariaqartitarput tamakkiisumik atornejareerpat, taava sinneruttussaq 1600 MW-iusoq niuerutissatut atornejarsinnaajumaassasoq.

Ilimanarnerusinnaavoq periarfissaanerussasoq, sarfaq nunatsinniit assartornagu maanni nunatsinni tamakkiisumik atornejarnissaa siunniunneqassappat. Tunisassiorfiit tunisassiornerminni sarfamik atuerujussuuartartut periarfissagissaarfiussapput.

Ukiuni makkunani nunat suliffissuaqarfiusut ilaat, soorlu Tyskland, atom-ip nukinganit nukissiuuteqarnertik annikillisikkiartulernikuuvaat tamatumunnga qimatsivikkumaarnermik siunertaqartumik. Sarfaq akikitsoq tassannga pissarsiarineqartartoq qimallugu, akisunerugaluartunut, anorisaatinut seqernermillu iluaquteqarluni nukissiuutinut nuukkiartuaalersimapput. Nunarujussuarmi tassani sarfaq akikitsoq atorlugu, sarfamik atuerujussuarluni tunisassiorfiusartut eqqorneqartussanngornikuupput. Isumaqarpugut sarfamik atuerujussuarluni tunisassiorfiusartut misissorneqassasut sorliit nunatsinni periarfissaqarfiunersut.

Ukiuni makkunani aamma Europa-mi annertusiartortumik naturgas ingerlatitut atornegaleriartuinnarpoq, aamma angallatini ingerlatitut solar-imut taarsiullugu. Naturgas nukissiuutit akikitsut atorlugit pilersinneqarsinnaasoq periarfissaalluarsinnaasut ilagaat, nunatsinni tunisassiaalersinnaasoq.

Siunnersuuteqartooq isumaqatigaarput erngup nukinganit sarfaq pissarsiarineqarsinnaasoq pillugu maannakkut iliuuseqartooqartariaqartooq. Assersuutigalugu Tyskland-imi suliffeqarfissuit maannakkut taqqavani allannguilernermi eqqugaajumaartut neqeroorfigineqarsinnaapput nunarput periarfissaasoq tunisassiorfiliortigissallugu, soorlu naturgas-mut, kiffiitissaliofimmuut imaluunniit naggorissaasiorfittut, assersuutaannaapput.

Nukissiuuteqarnikkut periarfissat atorluarneqartariaqarput, niuernermuinnaanngitsoq kisianni aamma nunatsinni ineriartortitsinerni. Erngup nukinganik sarfaliofik pilersinneqareeraangami akikilliarortumik atugassaqarfiulersartooq nangaanertaqannginnerusumik ineriartorfiusariaqarpoq. Nunaqarfiit illoqarfiillu erngup nukinganik sarfaliofilerneqarnissaminnut periarfissallit tamarmik sarfaliofilerneqartariaqarmata ukiulersukkanik qaqugu pilerneqarnissaat isummerfigineqartariaqalerput. Pilerneqarnissaat akisugaluarpataluunniit siunissamut sivirusumik isigisumik aqqissuussinissaq pisariaqarpoq, mannami inuuffiguartussarigatsigu siunissap qularnaarneqarnissaa pingaarnepaajuvoq.

Sarfamut akigitinneqartup nunatsinni tamarmi assiguitussaananeramik atorunnaarsitsinikuuneq pisussaaffiliivoq, periarfissalinni tamani erngup nukinganit nukissiuutinik inerisaasoqassasoq. Akisuginneqattaartarnerit aqaguinnarmut eqqarsarnerorpasittaramik, nuna manna aningaasarsiorfissaanartut isigineqarunnaartariaqarpoq nunajuna najugaqarfigiuagassatut ineriartortinneqartariaqartooq.

Siunnersuut tamakkiisumik taperserlugu aappassaaneerneqartinnagu Sanaartornermut Ataatsimiisitaliamut ingerlanneqassasoq inassutigaarput.